

七願浮雲結氣聚煙飛空高澄蔭覆玄玄隱
則無為散則彌天神仙同居結友乘真惠
流一切興國愛民普濟羣生人同劫年
八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長為仙官安
鎮國祚保天無終護度一切莫不仰宗
十願江海蕩蕩無極含容恢廓無細不植淵
奧柔惠潤加蠕息天人獲慶年同劫石
十一願帝王國土日昌四鎮安睦兵革不揚
天人歌唱吉應來翔敷教濟濟威化洋洋
兆庶稱慶長樂未央
十二願蝗飛蠢動已生未生咸蒙安全普得
生成皆見元炁受陽之形草木果林經冬
不零一切濟度靡不鮮榮和與道合真

復爐

香官使者左右龍虎君侍香諸靈官當今
行道陞壇之所自然生金液丹碧芝英百靈
衆真交會在此香火洞案爐前願修齋弟子
恭存亡受福幽顯霑恩十方仙童玉女侍衛

香煙傳日向來所啓徑達
至真元極大道玉皇上帝御前
出戶

太上黃籙齋儀卷之五



太上黃籙齋儀卷之六 賈六

唐廣成先生杜光庭集
第二日落景行道

各禮師存念如法
入戶

衛靈

金真空降 神虎檢管 玉帝披霞
諸天命靈 九晨回駕 萬魔束形
九微道煙 神威攝精 流金擲火
百惡消丹 神輝耀夜 洞杳長春

聖道蕩蕩 十方肅清 保制劫運

元亨利貞

鳴法鼓二十四通

元上三天玄元始三炁太上老君召出日等
身中三五功曹左右官使者左右捧香驛龍
騎吏侍香金童傳言玉女五帝直符直日香
官各三十六人出當召此間土地里域真官
正神速出關啓日今正爾燒香奉為某官某
乙為國為家修奉无上黃籙大齋若干日夜
以今第二日落景陞壇焚香行道願得太上

十方正真生炁降流臣等身中所啓速達上

御
至真無極大道玉皇上帝御前

各稱法位

上清玄都弟子臣某等謹同誠上啓

虛元自然元始天尊無極大道太上大道君
大聖祖高上大道金闕玄元天皇帝太上

老君元上玄老十方已得道大聖衆至真諸

君丈人三十六天帝君玉虛上帝玉帝大帝

東華南極西靈比真玄都玉京金闕七寶玄

臺紫微上官靈寶至真明皇道君玄中大法

師東嶽上卿司命真君西極總真王君太平

下教二十四真人三十六部尊經五嶽真官

靈山洞府三界應感一切玄司臣等夙稟真

乘生逢道化赤書御運玄教弘敷叨荷師資

授傳秘籙未能模神名嶽注念中虛結友上

真以祈超度而玄科有約佐國爲先演法濟

人立功爲本凡有披告敢不上聞

讀詞

依按詞言實惟丹懇上資家國普及存亡崇

啓皇壇仰祈玄貺臣等謹爲依紫陽玉笈黃
籙寶文罪福因緣拔度科品以紋繒法信龍
璧香花効懇質心奉修齋直伏冀
十方大聖

太上衆尊俯降威光曲回睿鑒廣垂福祉下

遂精誠以今落景行道請法衆等運茲初捨

上香

願此香煙騰空徑上供養

无上至真道寶臣等歸身歸命首體投地仰依

太上三尊願以是功德歸資宗廟社稷尊靈

騰景太清遊神紫闕

皇帝儀璫並照履載濟尊化秩無垠仁周有

截后妃內職善洽六官太子諸王祚延萬葉

庶寮御佐四友三師俱入無爲盡登真果今

故燒香歸依

師尊大聖衆至真之德得道之後昇入无形

和與道合真

以今落景行道請法衆等運茲二捨上香

願此香烟騰空徑上供養

无上至真經寶臣等歸身歸命首體投地仰

依

太上尊經願以是功德奉福某家九玄七祖

往逝神儀洗累劫之罪尤受書三洞銷積生

之報對離苦九幽鍊質南官昇神上境今故

燒香歸依

師尊大聖衆至真之德得道之後昇入无形

和與道合真

依

太上尊經願以是功德奉福某家九玄七祖

往逝神儀洗累劫之罪尤受書三洞銷積生

之報對離苦九幽鍊質南官昇神上境今故

燒香歸依

師尊大聖衆至真之德得道之後昇入无形

和與道合真

以今落景行道請法衆等運茲三捨上香

願此香煙騰空徑上供養

无上至真師寶臣等歸身歸命首體投地仰

依

太上三尊願以是功德奉福某家六姻五族

中外親緣福善惟新災凶自息谷神襲妙至

道垂休動息運心並蒙元吉然後三塗六趣

舍識有生苦海澄波愛纏戢熖具風厲扇惠

雨普霑盡證道階克登真果今故燒香歸依

師尊大聖衆至真之德得道之後昇入无形

和與道合真

禮方

懺悔

步虛

大道師玄寂 昇仙友無英 公子度靈符
太一捧洞章 舍利耀金姿 龍駕條來迎
天尊盼雲輿 飄飄乘虛翔 香花若飛雪
氛霧茂玄梁

三啓 三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

上清玄都弟子 臣某等謹重誠上啓

太上无極大道元始天尊太上大道君太上

老君无上玄老十方无極大道道德衆聖天

尊至真大帝天帝三十六部尊經玄中大法

師上相上宰四司五帝名山洞府得道神仙

三界應感一切尊靈 臣等伏聞金闕慈尊玉

京大聖先混茫而布化後應劫以迎真開九

萬之法門梯航品彙啓三乘之奧旨汲引昏
迷 臣等屬想真慈披心寶笈思弘聖旨以福

羣生弟子某仰慮九祖幽靈六親滯識爰從

囊劫以泊今生放恣六情縱行三業違五常

妙訓積四大深尤罪結累書神拘陰府風刀

水火考對前非寒冰夜庭留連惡趣動經億

劫不親光明杳杳窮泉備受諸苦非憐大聖

開度無由昔

天尊大慈憫濟羣品八門演法八苦由是歸

消九色垂光九幽以之開泰輒錄斯旨敢罄

丹誠注懇皇壇冥祈玄澤燒香行道懺罪乞

恩伏冀聖鑒下臨神耀徧燭並蒙洗滌咸覩

光華萬罪清夷沐浴朱陵之花五神受鍊道

遜丹霍之天福利見存俱蒙貞吉某宿殃除

蕩善業興昌智慧周圓身心清淨丹臺刻錄

碧簡增年一切親緣齊霑法蔭上願瑤圖帝

業邁三五以居尊金闕聖傳億千而流貺

邊烽罷始荒徽歸仁百穀滋豐三光朗曜卿

雲瑞露布天地以效祥澤馬器車出山川而

表慶然及羣生品物陰府冥關蠢動殊形飛

沉異趣下通九壘上極萬天俱荷

大慈同昇

極樂上明

天尊廣覆之澤下契 臣等虔奉之誠謹啓以

聞

發願

一願大道流行普天懷德二願一切有生咸

皆悟道三願九夜悲魂一時解脫四願孤魂

無依咸得受生五願天下太平五穀豐熟六

願臣忠子孝君仁父慈士願四海通同冤親

和釋八願潛胞處卵咸得生成九願積疾新

疴旋即痊愈十願孤露衆生豐衣食食

復爐

香官使者左右龍虎君侍香諸靈官當令 臣

行道陸壇之所自然生金液丹碧芝英百靈

衆真交會在此香火爐前弟子某存亡受福

家國蒙恩十方仙童玉女侍衛香煙傳奏 臣

向來所啓徑達

至真无極大道玉皇上帝御前

出戶